



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epistola Pastoralis Illustrissimi Ac Reverendissimi Domini
D. Humberti Guilielmi A Præcipiano, Archiepiscopi
Mechliniensis**

**Precipiano, Humbert Guillaume de
Lovanii, [1692]**

Caput X. De praxi Ecclesiæ modernâ.

urn:nbn:de:hbz:466:1-39186

ex intimis animi latebris , ac recessibus se fellerit , suis tamen hac in parte discipulis prævit , ne fastidirent quempiam , aut repellerent ad meliorem vitam aspirantem suorumque scelerum pertæsum . Cogitent avarum esse non debere dispensatorem , cuius Pater familias largus est .

C A P U T X.

De praxi Ecclesiæ modernâ.

Ecclæsiæ Matris suæ consuetudinem & praxim teneant longo sæculorum usu probatam , neque supra suam se magistram erigant , aut ejus indulgentiam ausu temerario corripiant . Non suspirent semper antiqua sæcula , & primævum in Matre sua ætatis florem vigoremque reposcant , fastiditis rugis canisque despctis . Habuit Ecclesia olim , ut quod res est loquamur , ex quo corrigi possit hodierna disciplina , sed & jam habet , undè corrigi potuit antiqua , quemadmodum periti temporum & rerum norunt atque testantur . Non est filiorum in Matris annos inquirere , aut exprobrare senium , aut novæ metamorphosi velle recoquere . Plus quam satis est adhuc ipsa vigoris habet , superis sit gratia , ut sibi suisque prospiciat , & si quid noxiū accrevit , resecet , & ab Episcopis resecandum moneat .

Neminem fascinet speciosum Reformationis nomen , quod à Calvini temporibus meritò odiosum esse cœpit atque suspectum . Non est privati hominis aut Doctoris Ecclesiam , & receptas toto orbe Catholico consuetudines reformare . Romanorum Pontificum atque Episcoporum id proprium est opus , quos torpere , aut in præsenti Ecclesiæ necessitate turpiter connivere promissus illis Sanctus Spiritus haud finet . Ad rem tantam privatâ autoritate aggredi , quæ nulla est , viam est sternere , loquimur liberè ut nos decet , ad schisma .

Ne igitur Pœnitentiæ opera promiscuè ipsi peccatorum veniae & condonationi præmitti postulent , aut exigant , si peccata sint occulta ; neque hunc olim viguisse morem prolixè jacent , nullo satis certo testimonio . At viguerit mos iste , & veteres laudent per nos licet , modo utantur annis suis : si consultum id certis quibusdam casibus videbitur , neque sperentur alia remedia successura , aut effectum sortitura tam bonum ,

con-

Considerato mature poenitentis statu, non vetamus quo minus
hac via infirmi saluti prospiciant; verum id non fiat per tem-
pus nimis diurnum, neque annos integros auferat.

Nullis posthac excidant damnatae voces & recenter ab
Alexandro VIII. Pontifice proscriptæ gravissimo Decreto:
„Ordinem præmittendi satisfactionem absolutioni induxit
„non politica aut Institutio Ecclesiæ, sed ipsa Christi lex &
„præscriptio, natura rei id ipsum quodammodo dictante. Per
„illam praxim mox absolvendi ordo Pœnitentiæ est inversus
„Consuetudo moderna quoad administrationem Pœnitentiæ
„etiam si eam plurimorum hominum sustentet authoritas, &
„multi temporis diuturnitas confirmet, nihilominus ab Ec-
„clesia non habetur pro usu, sed abusu.

C A P U T XI.

De dilatione Absolutionis.

Illis casibus veniam procrastinent (neque enim segnes mi-
nistros cupimus, aut molles medicos, sed qui pro tempore
& loco, & morbi necessitate tam linere plagam unguento
sciant, quam urere & secare) quos Rituale Romanum & Pasto-
rale Mechlinense exhibet. Si qui rei nempè Sacrum tribunal
accederint, § qui nulla dant signa doloris, qui odia & inimi-
cias deponere, aut aliena, si possint, restituere, aut proximam
peccandi occasionem deserere, aut alio modo peccata derelinquere,
aut vitam in melius emendare nolunt: aut, ut utamur verbis S.
Caroli, † nisi in posterum sese emendare promittant, nullo modo
eos absolvant; quod si in se recipient ea se facturos, nec horum ad-
moniti umquam à Confessario vel Pastore, præscripto modo fue-
rint, poterunt eos absolvere. Rursus pergit idem Sanctus: ¶
Nec eos absolvant, qui cum peccatis mortalibus simul etiam eo-
rum occasiones vitare plane non proponunt. Si pœnitens, inquit
alio loco, * recipiat in se media à Confessario præcripta, poterit
absolvi. rursus ait: † Si probabiliter sibi Confessarius persuadeat
posse se fidem primæ vel secundæ à pœnitente sibi promissi fa-
ctæ dare, quod scilicet occasionem auferet, poterit eum promissio-
nis intuitu absolvere. Paulò ante præmiserat: § si tamen fue-
rint

§ De Sacramento Pœnit.

¶ Cap. 15.

† Instruct. p. 2. c. 13.

† Cap. 17.

§ Cap. 33.

* Cap. 26.